

集部

欽定四庫全書等

詳校官無言上具 烜 主事臣吕雲棟覆勘

校對官中書臣王家實 總校官庶古士臣倉聖脉 腾 銀監生且楊景献

大にりま ながらは間には対ないか 连接等 河南美術語 Contraction and Contraction 場を表するこ ~而後事可辨也臨川 所不屑為字曰非也 為也有不得為者有不 曰其詳可得聞乎 撰

舊稅之在縣者比之舊年增多萬餘贯新稅則不然惟 税有嘉定元年之新税售者額已少而難催新者額尚 朝以至則朝以納夕以至則夕以納彼戶長者天下之 催而州納縣催而縣納者則有縣吏主之有手力督之 多而易催今州郡以其舊者縣催而縣納以其新者縣 於縣而納於州縣不過出文引以示之而已其納於州 頑民也退有所畏進無所阻故不容於不納也故舊苗 財賦所見催者有開禧三年之舊苗有開禧二年之舊

金月四月月十二

卷三十四

舊稅亦有二三萬之欠子得為之矣而不為何也曰不 無欠也縣之申於州者不知其幾狀也請於州者不知 欠とりまたいう 之時已有不可耕不可裁之名經界之後又有逃亡走 敢為也令之苗税之數皆經界已後之總數也自經界 其幾語也漠然若無聞馬此所謂不得為者也曰舊苗 絕沙埋落港之數又有撥入州縣學您幼院而不輸於 未中而已歸矣戶長既無所畏而反有所阻宜其不能 也聽戶長之自納而已既無人以督之而州吏頡碩日 勉齊集

賊其本吾不忍為也曰是則然矣子之所謂不當為不 懦者則賀田廬鬻妻子以償之强者則執平民之產去 州者苗税之額徒在而苗税之實則無也吾豈不能峻 金少せた人 其力以為之征飲而亦未當不立為一定之法也故近 税存者以誣之虽虽之氓君以為天國以為本戕其天 其期限嚴其審楚而使之納顧恐保正戶長不堪其苦 可為者何也曰古之取民者非得已也故當量其地度 什一遠郊什二什一什二之外一毫不妄取也今則

大きり事をいる !! 州之不辨總領轉運未嘗取而自催也自前太守取而 增之數立為數萬之額以責其促辦是則所不當為也 納不至若是多也則方雙族之不暇而孰肯樂輸乎此 年則增為若干令又增為若干矣夫民至愚而神若昏 縣之財賦縣令不辨當罪其令不應取而歸之於州猶 而明惟有以得其心而後有以得其財爾其徃年之所 不然苗錢舊若干今則増為若干矣稅錢每疋若干去 一改後之人又將有求多於此者矣今乃併其所謂 勉齊集

歸之州已非州郡之體去歲賢太守下車之初既然舉 得之則以修廨舍造器用供過客宴同官呈比錢者縣 非胥吏之便也盖苗税之所輸者有所謂事例錢者縣 而歸之於縣然猶不盡歸者其不盡歸者非慎府之願 税特為遅緩要阻以幸其虧之多及其折苗之將起也 府胥吏得之矣故不盡歸猶不足以快其意也故於新 乃求一妄男子作為白劄以言縣之不辨無幾太守 吏得之則以活其家故歸之於州則縣皆不得與而幙

一角火に万人で

世又孰能受屈於此曹哉是則不可為也矣予豈不屑 為哉予不得已也作催科辯 而發於折笛之將起子嗟夫險矣哉吾老矣無所望於 諸公皆以斡從宇文之去為是不從為非因以辯之 欠とりをから 幕之招榦以病辭得歸養病今病未瘳而復從宇文 自信陽得疾幾至不救吳宣撫諭令解帥幕之職從宣 不從宇文辟辯 勉齊集

信復歸而舉之於州也不然則此劉胡為不發於去冬

欲以宣幕見招若從之行是辭甲居尊義尤不安况與 重責雖日體國而實誤國雖欲規利利亦何有城南宣 豈宜見利則越若外言體國內質規利不量才力冒當 兵動衆國之大事以身許人亦非小節要當斟酌可否 行其誼安在宇文始欲以即幕辟之矣後改正宣撫復 幹殿監不遠豈宜冒昧復路其轍加以十年之偽學為 **喙善豪將無所容其身不惟榦受其禍而上辱先師下** 日之實材若不力辭或至疎脫則小人益得以肆其

多 员四月 在書

子各削其半有出無處有就無去如有陰無陽有秋冬 皆非之餘不從宇文之招議者又非之然則將如何而 若非廟堂察其本末力排異論吾輩皆已不免矣况又 間諸路敗級論者以鄧宣撫之故皆謂道學首唱兵端 累朋友至於彼時义將以不合輕去而見責矣去歲夏 大小山 Trat Listing 1/ 無春夏古之君子一出一處各道其中不幸而過寧過 可古之君子出處去就如陰陽四時各當其可今之君 以其身誤國以規利乎劉韜仲從鄧公之招令議者 勉齊樣

於處無過於出過於處猶有畏義之心過於出則利馬 子之從吳公之招可乎曰吳公翰之故人即幕非主兵 而已矣然則不從宇文之招未見其為不可也曰然則 之月以及除喪之月朔為九月耶如正月十五 或曰九月以下之丧除丧之日禮經無明文將併始死 文辟辯 職然子亦已悔之矣豈敢迷復而不反乎作不從 除喪辯 日之類抑 B 至

金分四位有書

卷三十四

欠已日后 ~~~ 三年也古人三年之丧本謂之再期是以足两年又踰 必至八月又踰月而可除服矣今乃欲至九月而又踰 初一日之類日此於禮經雖無明文然以禮考之恐必始死至四月日此於禮經雖無明文然以禮考之恐必 期斷加隆馬故使再期也又小記曰三年問再期之 月母以重服反輕而輕服反重乎曰三年問曰至親以 月而畢則僅至兩年又踰月而遂除服則九月之喪亦 數至九月又踰月朔而後除喪也曰三年之丧二十五 自始死之月數至九月又踰月朔而為九月耶如正月 勉齊集

三月而大祥此又禮經之明文也期之丧足一期又踰 若大夫以成月數則奠以三月乃在四月之內不應於 之丧足九月又踰月而後除喪無可疑矣况期之喪十 未奠之前而遂先除服也使三月之丧亦併始死之月 親先除服古人葬事先遠日盖卜下旬之日以冀古也 乎櫃弓云既葬各以其服除注云三月而葬則三月之 月而除喪則九月之丧安得不足九月又踰月而除喪 月除丧也再期之丧足两年又踰月而除丧也則九月

卷三十四

欠己りにたい 1 三月之丧例之則九月五月之丧當心足九月五月又 踰月而除則假令有人正月三十日死至三月初一日 前總麻既先除五月九月又未當除則既藝之後所謂 各以其服除者所除何服耶况三月之丧若至二月又 而除則總麻之服僅及三十日而止此豈近於人情耶 及除丧之月朔為三月則是未冀而先除服矣未蔡之 三月之丧不可以至二月又踰月朔而除服則九月之 要亦不應近至八月又踰月朔而遂除服也以春丧及 勉瘤集

警學謂用應始有體該本無則是虚也程子以文為人 以位為時則實有是事也以為虚則觀象玩解者何以 瑜月朔而後可除丧也若春丧則十三月之內軍日至 之丧各足月數又踰月朔而後除丧也明矣 曰禮曰久而不莫者惟主莫者不除如此則九月以下 體驗持守之要乎觀上文及其貫之萬事一理之語則 大祥總麻之喪則既葬而除服也曰从而不龔者奈何 易説

金岁四月白書

推説耳 見之事非虚乎處随巷三過其門而不入則有迹之 當潜而潜當見而見皆理之自然而不可易者非實乎 事也理之為體雖實而所該者無形事之為用雖本虚 歌空四華全書 一 睹非始有乎程子之説與此意自不相妨特解易則皆 然求其所謂當然者則無形之可見非本無乎未有潜 理定既實以下皆指深於學易者而言理即體也用即 而應乃有迹稽實存體所以玩理待虚應用所以制事 -勉斯集

兼取於飲食燕樂之義雲上於天自為需待之義飲 燕樂則君子處需而得其道耳九五一文畫之非為無 雲上於天需待之象今而曰雲上於天無所復為則是 卦為齊外齊家治也上九一文是其義也 出之象有所未明火在內卦為明內明身修也風在 風自火出明内齊外之義今曰身修家治則於風自以 所復為取飲食煎樂之義也 師取蓄衆之義則兵師師衆一也今日水不外於地兵

并言順德謂物理之升皆以順積而致之本義順當作 政定四車全書 一 故慎義為長 言然兵師師衆本亦一義旅師亦然師之為言衆也在 之有未明致有二義有以此召彼之來兵法致人是也 軍則有師之名 因言致命謂委致於天命耳本義云猶持以與人而! 慎積小高大方有升義以其小而能高大則不可不慎 不外於民則似以兵師師衆為二義師卦皆主兵師而 -勉癬集

雖不同或移彼至此或推此至彼其義一也若謂委之 衢舟中因思之方知其然乾父坤母予混然中處此四 嘗記師說西銘自乾稱父以下至顛連無告如暮局自 命則非至字之義故命只為吾身性命而致為推以與 有自此推之於彼事君致身是也大學致知亦然二 タンドブノニュ 也 之異也以下至篇末如人下基未晓其說丁卯夏二 西銘説 卷三十

句是綱領言天地人之父母人天地之子也天地之師 盡孝之道以明人之所以事天之道所以全吾體養吾 為孝不然則謂之皆逆之子于時保之以下即言人子 當全吾之體養吾之性爱敬吾之兄弟黨與然後可以 性愛敬吾兄弟黨與之道盡於此矣 吾之兄弟黨與特有差等之殊吾既為天地之子則必 塞為吾之體性言吾所以為天地之子之實民吾同胞 欠正りほんこう 至顛連無告言民物並生天地之間則皆天地之子而 勉癬集

金月四月有書 除不足為暖陰有餘陽不足為寒四者加以急疾則為 **衢州道間因思雨賜寒暖風之變天地之間不過陰陽** 金木水火四者金水陰也火木陽也金水皆素具形質 交感扞格而不交則為旱交感之太過則為雨陽有餘 天地之間非有所附麗假借而後有也火以木而後 金木水火土説 雨腸寒暖風説

滅盖陰質陽氣其分如此 欠己りをという 意子遂浩然而歸隱於幽谷之中以聽天命 書復欲相辟入幕子不從諸公大恐以為必拂廟堂之 谷三歲不見占之者曰此隱逐之象也予以江陵吳公 命至廟堂白事併求祠禄以應三歲之占遇宇文尚 卯正月朔旦摆卦得因其辭曰臀困于株木入于绝 作形木因土而後發木土之氣盡則火木亦隨而歇 記丁卯拱卦解 勉齊集

金分四五 全書 始之四其辭曰包無魚起凶象曰包無魚遠民也是時 並生於天地之間使之至死深可傷愈自有天地以來 及諸軍死於鋒鏑不可勝數奚當如羊豕之被害人 欲求截廟占之不吉而歸 五月一日占遇震之始五爻俱變合占之卦不動文在 便有戰爭便有殺戮因思人之暴殄天物亦不可不戒 卯夏用兵冬北兵入邊子適在荆襄自見江北百姓 戒殺記

七十者固無因常食肉也如此則殺生自少後世嬰兒 不若後世之暴珍今觀孟子言七十者可以食肉則未 也戒殺一事吾儒雖不言然殺之以時用之以禮亦決 說類釋氏而不之思也仲夏三衢舟中記 有滋味便可以進食亦何必須多食內人若省得食內 便要食內安得不暴殄天物人身惟五穀可以療饑稍 次足口事人 亦覺志氣清明用度自少亦免得分外過求不可以其 日記式 勉齊集

聖賢之教曰博學於文約之以禮又曰日知其所亡月 多次四次白電 之坐右書以識之文行相須新故相尋德進業廣矣 無忘其所能此録之所以作也自旦至暮自少至老置 日記 記所習經子史集四書多少隨力所及 記所寓之地 記氣節寒暑雨明之變 記年月日 卷三十四 歳次 所寓 天運 行

次足四事全事 為賤戒謹恐懼庶幾寡過事以勤而集養公而賤人有 為學而儒學莫先於讀書人身至貴少有縱放即流而 先於孝友人性本善知識不明故流而為惡聖賢經訓 以勉人改過超善光儒衣儒冠自當窮經博古立志 記所見實友 記所聞善言所見善行 記所出入及所為大事 勉職集 賓友 善行 出 起 蕃山 作 四行 三行 三行 三行

|於愚不肖無以振祖宗之遺緒每念丘壠之重則為之 豈宜情其四支無所用心用以儉而足以奢而匮人之 愴然以悲今年巳七十恐一旦溘然填溝壑無以為子 宜縱耳目之好以事無益今百餘年更歷三世守此五 事常如一日繼令子孫所宜永監書之家廟以示不忘 一身不過惡衣惡食即免饑寒不見可欲此心不亂豈 身則仰事俯育自有當為是少難鳴而起恐常不及 始祖祭田關約 卷三十四 次ピロ事を 之用緣所入甚微未足以供諸房輪收令欲每年於內 苗僅四畝一角六十七步每歲供納穀十六石充祭祀 報本之心令輔以本位近歲取贖到古田等處蒸當之 怠自祭享之外亦罕有至墓下者大非孝子順孫追遠 醵金祭享其間貧困者亦頗以為苦世代既遠人情易 與維持獨同慶先祖墳共四所已三百年雖族人春秋 孫祭祀之計則將抱終天無窮之恨惟是從宦以來生 理微薄平日志願迄莫之遂墳墓之近者尚頼子孫相 勉癣集

多次で近台電 遭如無支遣即將所餘之穀積累增置俟十年以後即 之用此則必有族人賢者推至誠敬祖之意為之區處 以增置益厚輪膽宗族貧乏者其元穀十六石母妄用 志願也嘉定十四年仲春清明裔孫奉議郎主簿亳州 永安先定其規模薄陋之弊悉草多方以增益之亦所 撥六石充祭享及輸租外公交族長掌管以備不測支 日增享祀之費餘一半以備支遣椿留增置以贈貧乏 明道宫榦

KILDING ACTION 惟臨川為盛然其流俗之弊亦以其剛而喜於争以其 臨川之民秀而能文剛而不屈故前輩名公彬彬輩出 竊以天地之間萬類雜樣惟人也得其秀而最靈民吾 两月之間披閱訟牒幾數千紙毫末之争動經歲月贏 同胞物吾同與亦惟明理者見其大則心泰獸相食且 文而工於訟風俗不馴莫此為甚當職不才誤功色寄 惡之况人受天地之中以生而逞忿怒身君子耻之 臨川勸諭文 題漸禁 立

多訟而能勝亦復何益何不思天地之性惟人為貴均 嗣續亦當殖福庶可外長豈可包藏禍心殃及後代所 毀辱父母何不思祖先勤勞置立産業亦欲百世以永 氣同體誰無善心豈可萌此惡念自絕天地何不思父 糧棄業跋涉道途城市淹留官府伺候走卒斥辱猾吏 其傳豈可争較毫未破蕩家業何不思生育子孫以求 母生育以有此身愛馥髮膚以至成立豈可輕以小忿 誅求犴獄拘囚蕃楚業毒何以堪忍訟而不勝所損固

金分四月分書

志健訟百姓亦不敢不嚴加懲做然亦深念愚民惟兹 當職身膺民社斷訟曲直自當詳細推究至於虚公畏 務本業起居出入常存道心孝順父母友愛兄弟親戚 事訟不可長也又日以訟受服亦不足敬也盖古人不 殃既無妬忌自無怨恨心平氣和身安家足其可樂哉 鄉當交相和睦利則思義於則思難既無争競亦無禍 欠已日本1元 可争訟訟而雖勝亦不足以為貴也孰若士農工買各 争甚微所失甚大其訟愈工其禍愈酷故易曰不永所 勉齊集 <u>大</u>

金少巴屋全重 當職不才冒領大色惟恐缺繆得罪也令米價低平 告戒毋貽後悔 明之罪也故敢以愚見廣敷哀於動爾百姓各宜交相 使人戶重有所費目今蝗蟲遺種復生日夕憂惕但 作為詩頌造旗背負以相褒譽不惟不足當此虚名抑 民樂業天實為之豈伊人力近來城郭鄉村人戶乃有 王綱憲綱一朝之忿以忘其身則訊鞫之下誠恐有不 禁詩軸綠旗榜文 卷三十四

大三日真 二二 子輕於相棄夫婦輕於相離兄弟輕於相訟轉徙 早晚不能避其胼手紙足越陌度阡縱咫尺不可逃四 勤苦孰知之孰逾之暑而烈日汗背寒而嚴霜侵膚雖 每月之望本縣出郊召父老諭之曰獨為農耕種窮困 後不得復為外仍給榜晚諭各宜知悉 省過何暇於能凡我是人切莫虚費除己告示士子 民惟農最勤獨耕甚若爾農之害又不一而足使爾父 新淦勸農文 勉斯集

若忍忍則寡争能佩斯言庶可以茍安於斯世矣今之 足人之視爾甚弱而易陵爾之敢人甚批而難勝則莫 昏惰敢不自勉田主債主與夫貪點誅求侵刻欺詐以 無以勉爾乎爾既不能不衣食而生天地之間又不能 不安其生可哀也哉縣今既不能為爾與利除害其可 害我農人者盍亦深思均氣同體之義與吾衣食之所 食之路甚狭爾之享衣食之奉甚難則莫若儉儉則易 不桑耕而為衣食之計則莫若勤勤則不匱爾之求衣

金分四月全書

火モコーない 出可以差出者亦須有公事有文移方許出界國家成 守其土其他官僚不差應出者雖本界地分亦不應軌 畔官離次夏書所成竟外之交春秋譏之本軍距鄂州 興里間安静協氣感召時和歲豐碩不樂哉幸相與勉 自來相期相給使我農人亦得遂其生平之願争訟不 一筆可航然係是別郡自有疆界守土之臣自當各 漢陽禁約官屬達法出界仍榜客位 勉虧集

金グビアノラー 諸縣今後不許朝違法出界仍榜客位 諸臺以求知已其次則謁親舊事宴将抑不思事上之 古者山澤之利與民共之本軍常賦所入甚簿全籍湖 治又何以望其知已輕奪職守違沒憲典事體非輕的 禮正以奉法守職為先若失職違法乃監司之所當按 法具存官吏所當遵守今來本軍官屬動賴往來鄂州 不以為怪甚至郡守亦或一往竊詳其意不過欲奔走 放免漁人綱釣魚利錢榜文

販故量其所出而收其租入此有不得已者至於大江 聞亦有豪强之家强占長江水利收魚利錢者亦合併 非客旅與販亦欲分其微利秋毫不遺非所以體國家 池魚利支遣然所謂湖池乃人戶産業魚利乃容旅與 欠記りまたいか 行禁戢 中舟楫往來即非人戶產業漁人採捕以給衣食即 意而盡郡守收養之 免行戶買物榜 勉強集 職上項魚利合行蠲免訪

前追擾許行戶前來陳告切待重作施行備榜市曹晚 亦復出引極擾民戶深屬不便令後本軍收買雜物徑 持引上門之人必有乞覔需索及至供認又須被人吏 軍應買一文以上零碎雜物並是出引追行戶供物想 揀擇邀求至於請錢又被公使庫拖延除尅今至外廳 示别引追李裕同詞人對仍轉牒諸廳取遵熏申 就鄂州收買並不得出引追擾行戶外廳更敢似

多グロ屋人言

官司收買應用物色若有見錢何處不可收買今來

本軍既無實惠可及人戶先使人戶憂慮如此甚非為 政者所宜况本軍所謂上戶有蓄積之家委實不多其 問亦有若當而實貧者不應皆令眼糶本軍只得多方 軍未及行下勸糶問節次據人戶前來陳詞乞行蠲免 例非是創意極擾尋樣所委官勘諭到米三千餘石本 本軍昨委官勘諭上戶出米糶與居民亦只照孫監及 欠己日本という 自行措置雜與貧乏之家所有勘釋並行蠲免两政虧 免人戶賑難榜文 勉強集

須至晓示 糶案卷姓名悉行烧毀庶幾異日不至重為人戶之 金少只是人 場務合干人收買照得場務合干人只管收越官課 據公使庫呈買歲計樟應熟克及鱘鰉等魚從例監諸 必是收買三五十的除納官外又預納與諸廳人吏亦 應勒令收買食物無者散在諸鄉者以是科擾總保等 總保等人又是科擾百姓官司文引一 約束場務買納歲計食物榜文 出收買一 觚

場務合干人照年例騷擾深屬不便其恐两縣亦有在 曹及两縣張掛晓示 買如買不得即不須買外切恐外人未知因依仍舊被 又只供口腹之需及也直之用州郡何忍以此擾民除 欠己の手 東不許科機如違許人告切待追人根究施行備榜 例行下總保收買上件物色騷擾百姓亦仰照本軍約)判令照年例各减 際公使庫人吏又要錢使用如此不勝其擾其實 一半仍只差市買照市價就城收 勉虧某 Ŧ

照對两淮州郡自三國六朝干戈相尋無復寧歲本 **丙寅亦未免戰争之擾龍舒為郡雖北兵所不到然李** 南渡又且百年講好息兵民得安業然紹興平已開禧 色プロスノー 各已降附周之 竭終亦轉死溝壑當觀五代之未周世宗攻两淮州 有性命之憂欲逃山谷流徙江南則廬室焚毀糧食空 成張軍大亦當竊發如掠居民州縣百姓欲保室應則 安慶勘諭團結保伍榜文 一緒將恣行殺戮淮人相與結集保伍 卷三十四 一致定四軍全書 《 協力鼓勇向前却敢况我淮民忠實勇健誰曰不能本 勇士治器械立栅浚溝斷橋固守賊不敢犯浙人怯弱 城妻子皆為殖臨况貨財能保之乎乃自相助出財募 間浙東賊表甫掠諸州惟明州之人相與謀曰賊若入 10 却盖淮人忠實男健若能平日團集保伍閱習武藝叶 紙為甲號白甲軍大敗周師雖周世宗之英武亦且退 府見行措置修築城壁練習軍兵行下諸縣團結保伍 一意共保鄉問雖有强敵莫能為患又害親唐咸通 勉齊集 Ė

戶守護鄉里乃敢倚恃聲勢擅作威福出入呵道恐嚇 已官保長大小甲首皆合律隅奉公憐貧憫老撫恤甲 各宜知悉 凡爾百姓各宜為鄉問室家相保之計解仇息訟務相 細民點名教閱恣行極捷單丁貧戶勤造軍器供報紙 とう ドノ ノニュ 叶問股之日問目武藝務要精熟遇有緩急遞相應 以保室廬以安妻子守禦之策無以易此故兹勸諭 戒約隅官保長以下榜文

次での事主書 檢覆禁擊界月又行結解被頼之人本無大罪而家業 除已塞切體訪應有違犯定行決配不以陸贖今榜 便以為事干人命收捉所賴之人以為大辟亮身差官 諭各宜知悉 本府諸縣公事多有頑民自縊自刎以誣頼人者諸縣)破蕩矣碩民習見一死可以頼人纔有小忿便輒 敷抑錢物搜索機罪報復私雌將以保民及以害民 禁約頑民誣頼榜士 勉掛集 İ

イグロアノフ 諸縣官吏不能斟酌事情但欲應文逃責至其愚者 至為大辟禁繫結解耶至於何戶地客少欠祖課主家 以為人命至重不可不為根治却不思彼自取死於他 生死者既以無籍而隕命生者又以無辜而破家此該 行誣賴此風豈可長哉牒諸縣今後應有自列自縊 可不需索人家奴僕或有小過主家不可不懲戒亦 何預便使真曾與之歐打亦不過得歐打之罪何 嗣 卷三 十四

城必壞直衝入城將何抵禦伏乞從相度施行奉到州 七月十六日據府市西廂士民祖先述等狀使府與築 次定の事をいる 水暴漲全籍舊土城迂曲使水勢彎環自北以西入西 外城為居民防護賊冠但本府向西坐落最低每歲山 存留售土城抵新城則土石处不能相貼水勢一攻 曲轉處正是水勢直來衝打去處未蒙從長相度若 外河則城內無済浸之患今若築新城只自張王廟 晚示城西居民築城利便 勉齊集

去淮邊不遠豈應蕩然全無城壁往年張軍大之事爾 為爾百姓防備不虞但築城則當思所以守可築而不 父老所親見當職不自量度到任以來首以與築城壁 今靳黄小州在安慶之南尚且有城以守禦安慶大府 郡不可無城壁如人家不可無墙垣人身不可無衣服 輕本府形勢民居多在東北一隅西門一带只是夾路 人用力為易若所築太濶兵力不及反誤百姓利害非 可守則不如勿築故築城之法以小為貴小則守城之

其利害晚然易見城西之人特以本府置之城外故 城之人皆不可保則所築之城不足保民及以誤民此 减其一岩六千人守城則可减一千人城勢圍簇往來 法亦當截減犯令所築乃是因古城舊基自祠山廟向 **巡邏易以為力萬一警急城西之人不過移入城內便** 欠足日軍人 南創築比之目今西門戚省二百八十餘丈是六分而 可無虞的寬潤難守不惟城西之人無所逃避併與 條人家相對其他盡是空間田園若使元無古城於 勉齊集

金グロガノー 城亦豈只為禦水而設其他州郡本無水患亦何故皆 老乃不如虾特爾華處利害之中故不知有利害之實 此為詞本府官吏日夜辛苦只為百姓何當於城西父 有城壁本府今雖創築新城仍舊可桿水土城即不除 耳今至謂累政積錢只是禦水如楊國博浚壞以培子 際再與用熟於土城之外包砌數丈使熟足以散土則 挺自可捍禦水勢若謂新城土城交接之處恐磚與十 不相貼易以衝壞却有此理本府包的新城於交接之 卷三十

堅牢决不至使汝父老有墊獨之憂我挿竹木令其散 使有衝突之患汝父老宜以一郡之利害為念不可以 塞浚壕塹令其深險不惟可以禦水設有緩急亦不至 城之後再有氣力更於西邊一帶土城多方措置令其 七月二十九日據西門府士民計君庸等狀乞仍舊於 尚有未盡仰人戶再來陳詞故兹晓示各宜知悉 為吾家不得在城內妄生意見有誤大計恐本府所見 次王四華公子 勉齊集

可以無患亦與趙知郡周監丞用朝用石無異州郡築

易晚今復行陳詞然窺其意但見向來已在城中今乃 城當職誠知不便於守禦遂備榜明述利害無幾居民 城西居民不肯依古城與築必欲依後來防水土墙為 屏之而出城門之外不得與東方之人均得城守之固 金グロアと 耳此其意亦可念也但其説以為後來必有開通壕斬 元有水可通則後來必有開壞通水使之流轉今古城 掘至土墙少有水患此則不然安慶地形西北最高岩 西門土城與築城壁及招募民兵守城等事奉判昨據

灰足写車全書 四 古城古壕不可為據若此等數皆是詞窮理短只欲强 萬人留之數月為防城之用至又執出過經以為所在 以為多招民兵以防城州郡事力有限豈能賜給民兵 詞以侥倖一中耳此與前狀所謂積錢築城但欲禦水 只據目所親見而言豈復知有古城古壕之可驗豈有 碑記皆稱今之西門即是城門圖經乃是近來人所撰 之說無異顧本府向來所慮只欲城勢團簇守禦堅固 西北角自是陸地無水可通何緣更有開場以通水又 勉為集

為九里半之城增五分之一委有城閣難守之患但西 治器械入城中居民各存善心母相欺詐母相殘害變 後來為太守者戰姦惡撫善良愛惜財賦招募兵卒 若潛皖之勝藩府之大城潤九里有半亦未為過但得 城不可守哉此則當職之所深願也然民難久役事貴 成美俗四方之人皆願受廛而為氓則亦何患九里之 人陳詞不已不欲重違其請令亦始從所請一百與祭

故但欲依古城八里易以防守令若依防水之墙則逐

卷三十四

金グロスノニ

1000	
次主司書	諭各宜知悉
沙之四年全書 一	知悉民
	更相替
整齊集	諭各宜知悉
	一心成
<u></u>	勝事
:	改兹晚

	<u> </u>	 	 	القاضية البرومية
勉齊集卷三十四				ヨノモノンニュ
				卷三十四

京文王四年 百世二 圖志未有聞馬則亦司宣化之任者曠其職耳漢陽知 教化行而風俗城漢陽為郡湖山之勝奇秀清絕江北 守令之職不惟治獄訟理財賦正欲崇學校養人才使 欽定四庫全書 俗質實澤厚當必有環偉傑異之才彬彬輩出思考 勉齊集卷三十五 雅者 帖軍學請孟主簿充學正 勉齊集 宋 黄縣 撰

一生グセルる 學正專一在學無教導職事仍請係具學中合行事宜 德崇以成一即風俗之美案帖請仍關軍學照會 與教官商議自新年為始日請在學生員赴學習讀遇 與士友講貫故士友之來學者聞鼓而集會食而散紋 縣暫攝教官固知以教導為急然邑事叢委不得朝夕 夜宿齊日書所習課程以供給考庶幾日益月進業廣 前漢陽孟主簿老成耆學直該多聞帖請充軍學有官 誦之聲終歲寂家如此而望人才之成就亦難矣霸見

文三日日 白七 學校養士本是美意為郡守教官者不知以道義訓誨 簿歷對算每月百五十贯會子支破尚有餘剩又何用 膏血豈是官吏得以妄行支破治譽干名據學司齊到 諸生但欲增添俸錢增置學產以取士子之才繁所謂 知縣賴行陳乞王知軍亦復聽從官司錢物盡是百姓 均州之命則漢陽軍鐵物均州太守不應妄行支破陳 教養之義安在哉况此一項錢去歲九月王知軍已被 行下軍學為申請增俸武帖 勉香集

金写世是石電 倍亦有足跡不到學校而選請月俸者官司又何忍以生 再支五十贯會子職事負數朝廷自有着令令增置至數 學校則有禮義官府則有法守二者常相為用而不可 事不在學虚請俸錢者並請削其籍具姓名申 無識之甚者當職不敢曲狗此請帖教授照會仍請勘職 俯仰無愧人自心服若但欲以鐵米買士人之唇舌可謂 民膏血充此無用之費哉天下事惟求其是若海事合理 行下軍學罷職事二員帖

欠己り声音 坐視而不問則非所以遵禮義而顧法守也假令為職 之但月費俸錢而已於理安乎理所不安學校官府皆 聚而學校之經誦寂然此於理已有未安况又捨而他 事者皆援此例皆捨學校而虚請俸錢又豈設學養十 **廢農處於田工處於肆士處於學理也今職事之額其** /受此非理之俸是乃愛之以德也 意哉劉王皆此邦士類之秀者教官尤宜護惜毋使 行下軍學中嚴釋莫事 勉癬集

金少口及石量 釋莫須備榜約束仍先關閉後門不得往來專帖都監 卒頻來笑語器無忌憚行禮方畢搶奪蘆席及祭餘果 釋真大祀禮當嚴整本軍循襲湯無規矩行禮之際吏 門學守把吏卒不得無故入學帖軍學照應施行 未十日戶口抄劉貧富已晓然又已程麥分園眼濟其 子之屬本軍失於禁敢學中亦不中舉令已無及來春 李監務雖是西班其敏於事如此行下未半月發去錢 勸獎賑濟官李監務牒

歌定四車全書 既得當職於今月二十日準制司牒備準尚書省劉子 四統各七升虞候齊呈諸應望各留意一郡百姓幸 必無流離饑菜之患矣敬服敬服公庫送錢三十貫酒 遠接新官儀料等物如人從衣衫之類一物一儀並請 令仍舊知安慶府除已一面擇日起離前至池州所有 **沌口監鎮講説此事已两月並不見抄劄戸口仍牒催** 為慮入周密皆老僕所不能及若留心如此两鄉之民 再除知安慶府行下本府牒 勉斯集

虚費官錢當職目令起離係就建康府差借人從行轎 寄收軍資庫不得妄有支動準備後來接新官用免被 勉齊集卷三十五 探候消息仍未須差雇渡船以致騷擾衙 須差人前來迎接虚破請受但差承局两 仍不許虚破一文官錢須至公文 須糊飾亦不須置辨備宅等物當職只

銀定四庫全書縣部

詳校官庶吉古長 旭 主事臣吕雲棟覆勘

總校官庶古士臣倉聖脉 校對官中書臣王家賓 腾 録 監生臣楊景献

SKINN SKRIFF **经过的现在分词的现在分词** 勉職集 WHITE . \$14.50 M 氏贈稿 贈 撰 議

史事以不附和議去國文章行義為學者師號幸務先 崇安五夫里今居建陽之考亭先生以建炎四年九月 家世有偉人吏部公甫冠擢進士第入館為尚書即兼 先生姓朱氏諱熹字仲晦甫朱氏為婺源著姓以儒名 十五日午時生南劍尤溪之寓舍幻額悟莊重能言韋 生有文集行於世吏部公因仕入閩至先生始寓建之 本貫徽州婺源縣永平鄉松嚴里 校勘累贈通議大夫姚孺人祝氏贈碩人

必親郡縣長吏事倚以次茍利於民雖勞無憚職無學 年進士第以左連功郎主泉州同安簿蒞職勤敏纖悉 之學於舉子業初不經意年十八貢於鄉登紹與十 **戯沙上獨端坐以指畫沙視之八卦也少長腐志聖賢** 以孝經一閱封之題其上曰不若是非人也當從羣兒 齊指示曰此天也問曰天之上何物章齊異之就傅授 說聖賢脩已治人之道年方踰冠聞其風者已知學之 事選色之秀民克弟子員訪求名士以為表率日與講

次至日事 在前司

勉齊某

有師而尊慕之歷四考罷歸以奉親講學為急二十八 金グセスノア 奔競以沮之者遂以疾辭三十二年祠秩滿再請孝宗 以疏舉然本原之地不可以不加意陛下毓徳之初親 閱遺而脩攘之計不可以不早定利害休戚雖不可編 雖未有關失而帝王之學不可以不熟講朝政雖未有 年請奉祠監潭州南嶽廟明年召赴行在言路有託抑 御簡策不過調誦文辭吟咏情性比年以來欲求大道 位復因其任會有認求直言因上封事其暴言聖躬

織悉畢照則自然意誠心正而可以應天下之務次言 說疑之也金人於我有不共戴天之譬則不可和也義 今日之計不過脩政事謹邊防然計不時定者講和之 王之學必先格物致知以極夫事物之變使義理所存 淵源而出治道虚無寂滅非所以貫本末而立大中帝 以臣策之所謂和者有百害而無一利何苦而必為之 理明矣知義理之不可為而猶為之以有利而無害也 勉強集

之要又頗留意於老子釋氏之書記誦詞藻非所以探

欠己の事会与

金プロアノフラ 不晓然知陛下之志更相激厲以圖事功數年之外志 中已之資而不敢懷項刻自安之意然後将相軍民無 養理之公參以利害之實閉關絕約任賢使能立紀網 願畴咨大臣總攬羣策鑒失之之由求應之之術斷以 定氣飽國富兵强視吾力之强弱觀彼釁之淺深徐起 **屬風俗使吾脩政攘夷之外了然無一毫可恃為遷延** 係斯民之休戚斯民休戚係守令之賢否監司者守令 而圖之中原故地不為吾有而將馬往次言四海利病

歌定四軍全書 四 道在手格物以致其知盖有是物必有是理然理無形 狀而斥去之尚在勢者豈無其人顧陛下無自而知之 於心目之間而無毫髮之差則應乎事者自無毫髮之 在朝廷而已今之監司姦贓狼藉肆虐以病民者莫非 之綱朝廷者監司之本欲斯民之得其所本原之地亦 而難知物有迹而易觀故因是物以求之使其理瞭然 耳明年改元除與復召解不許即入對其一言大學之 宰執臺諫之親舊賓客其已失勢者既按見其交私之 勉斯集

金リセノノニ 自己之同情而非專出於一己之私然則今日所當為 淺近虚無之過其二言君父之讐不與共戴天乃天之 欺平治之效所以未著由不講乎大學之道而弱心於 多有未明是以舉措之間動涉疑貳聽納之際未免蔽 故天下之理多所未察未當即理以應事故天下之事 繆陛下雖有生知之性高世之行而未當隨事以觀理 者非戰無以復讐非守無以制勝是皆天理之同然非 所覆地之所載凡有君臣父子之性者發於至痛不能

治之原莫急於請學經世之務莫大於復讐至於德業 凡古先聖王所以强本折衝威制邊歷之首皆未可謂 未節則德業未可謂脩朝廷未可謂正紀綱未可謂立 其具不在乎兵食而在乎紀綱今日諫諍之室尚壅佞 在乎威强而在乎德紫其任不在乎邊境而在乎朝廷 **倖之勢方張爵賞易致而威罰不行民力已殫而國用** 備三劄所陳不出封事之意而加剴切馬先生以為制 人欲之私忿也末言古先聖王制御邊睡之道其本不

次定日華全事

勉強集

|職會魏掞之以布衣召為國子録因論自覿而去遂力 成敗則必於君子小人之用舍故於奏對復申言之盖 待次乾道改元促就職既至以時相方主和議請監南 學有定見事有定理而措之於言者如此除武學博士 辭先生當两進絕和議抑佞倖之戒言既不行雖擢用 **嶽廟以歸三年差充樞密院編修官待次五年三促就** 年復召以未終丧辭七年既免丧復召以禄不及養辭 押至不敢就出處之義凛然有不可易者尋丁內艱六

金グセガスで

功優老報勤之典令無故驟得之求退得進於義未安 合入官主管台州崇道觀先生以改秩界祠皆進賢賞 四年之間解者六九年有肯安貧守道康退可嘉特改 祠二年除秘書郎先生以改官之命正以嘉其康退令 大王司事心事 再辭淳熈元年又再辭上意愈堅始拜命改宣教郎奉 欲與用康退執政以先生為言故有是命會有言虚名 乃胃進擢之寵是左右望而罔市利力辭時上諭大臣 之士不可用者以故再辭即從其請主管武爨山冲佑 勉強集

|觀五年差權發遣南康軍事解者四始之任先生自同 · 積理明義精見之行事者益需然矣至郡怨惻爱民如 獨威章凡五六上歲值不雨講求荒政凡請於朝言無 安歸奉祠家居幾二十年問關貧困不以屬心涵養充 四不得請不已并奏請截留綱運乞轉運常平两司發 炭月椿經總制錢之屬各視其色目為之條奏或至三 不盡官物之檢放倚閣蠲减除豁帶納如秋苗夏稅木 已隐憂與利除害惟恐不及屬色星子上瘠稅重乞從

三金分巴尼白電

次定四車全書 一 一士子與之講論訪白鹿洞書院遺址奏復其舊又奏乞 授以方略俾視境內具知荒歉分數戶口多寡蓄積虚 錢米充軍糧備販濟申嚴鄰路街港過雜之禁選官吏 懲之不少貸由是豪强飲敢里閱安靖數請郡學引進 患亦息先生視民如傷至姦豪侵擾細民撓法害政者 好者遇大風輒淪溺因募饑民築堤捍舟民脱於饑舟 記事奏乞依格推賞約栗人者凡數四郡濱大江舟樣 實通商勸分多所全活其設施次第人争傳録以為法 超旗集

與倘祥泉石間竟日乃反又求栗里陶靖節之居西澗 賜書院敕額及髙宗御書石經版本九經註疏等書者 金グセル 其志為恨明年詔監司郡守條具民間利病遂上疏言 劉屯田之墓孝子熊仁瞻之問旌顯之循以不得悉行 至再每休沐朝一至諸生質疑問難誨誘不倦退則相 天下之大務莫大於如民如民之本又在人君正心待 廷盡取以供軍而州縣無復贏餘則不免於二稅之 以立紀綱今日民間特以稅重為苦正緣二歲之入朝

歌定四車全事 計然則欲討軍實以終民力必盡反前之所為然後乃 膏骨髓名為供軍而輦載以翰權幸之門者不可以數 亦皆倚附幽陰交通貨點其所驅催東南數十郡之胎 · 對到軍之日惟望接飲刻剥以償債負總飽的之任者 之選率皆膏粱子弟厮役凡流所得差遣為費已是不 廣屯田可以益軍儲練習民兵可以益邊備今日將帥 别作名色巧取於民令民貧賦重若不討軍實去浮冗 則民力决不可寬惟有選將吏聚兵籍可以節軍實開 勉齊集

農之務者使領屯田之事付以重權責其久任則可以 苞直請托之私而刻剥之風可草務求忠勇沉毅實經 行陣之人則可以草輕授非才之弊而軍士畏愛遠閱 責其寬恤無幾窮困之民得保生業無復流移漂蕩之 漸省列屯坐食之兵稍捐列郡供軍之數軍籍既數屯 以時寬名冗食者不得容其間又擇老成忠實通晓兵 田既成兵民既練州縣事力既然然後可以禁其苛斂 可草也授將印委利權一出於朝廷之公議則可以絕 說於功利之學說不樂莊士之讀言而安於私勢之 臣遠小人講明義理之歸閉塞私邪之路然後乃可得 患所謂端其本在於正心術以立紀綱者盖天下之 者上則蠱惑陛下之心志使陛下不信先王之大道而 而正今宰相臺省師傅獨友諫諍之臣皆失其職而陛 網不能以自立必人主之心析公平正大無偏黨反側 下所與親密謀議者不過一二近習之臣此一二小 私然後紀綱有所繫而立君心不能以自正必親賢

次足口軍人等

1

勉齊集

金に下八石 之臣或反出入其門墙承望其風古其幸能自立者亦 則所竊者皆陛下之柄陛下所謂宰相師傅賓友諫諍 態下則招集天下士大夫之嗜利無取者文武栗分各! 乃略能驚逐其徒黨之一二既不能深有所傷而終亦 不過擬擬自守而未嘗敢一言以斥之其甚畏公論者 公肆擠排交通貨貼則所盗者皆陛下之財命卿置將 不敢明言以搏其囊索窟穴之所在勢成威立中外靡 入其門所喜則陰為引援擢寡清顯所惡則密行訾毀

次是四年全書 一人 立紀綱者而壞之則民又安可得而恤財又安可得而 其柄盖其所壞非獨壞陛下之紀網乃併與陛下所以 而可雪耶先生在任當用劉子奏事後因諫臺言用劉 理軍政何自而脩土宇何自而復宗廟之讐恥又何時 疾請奉祠者五將滿除江西提舉常平茶鹽事待必 二人之門名為陛下之歌斷而實此一二人者陰執 >非售制遂奏乞罷熙又以致人戶逃移自劾者再以 勉齊集

然向之使陛下之號令點陟不復出於朝廷而出於此

常平茶鹽事時民已難食即日單車就道復以南康納 脩舉荒政民無流殍除直秘閣几三解皆以前所奏納 廟堂議遣先生使蜀上意不欲其遠去故有是命詔以 自シャノノニ 一歲意者德之崇未至於天與業之廣未及於地與政之 栗人未推賞解職名且乞奏事之任納栗賞行遂受職 栗人未推賞難以先被恩命會浙東大機易提舉浙東 名入對其一言陛下臨御二十年間水旱盗賊略無寧 大者有未舉而小者無所緊與刑之遠者或不當而近

次定四車全事 人 求賢哲而姑取軟熟易制之人以充其位於是左右私 後足以召災而致異其二言陛下即政之初盖嘗選建 究與責人或已詳而及躬有未至與夫必有是數者然 義之風未著而汙賤者騁與貨縣或上流而恩澤不下 職而賤者獨其柄與直諒之言罕聞而諂諛者衆與您 褻使今之賤始得以奉 照間備驅使而宰相之權日 英豪任以政事不幸其問不能盡得其人是以不復廣 勉爾集

者或幸免與君子有未用而小人有未去與大臣失其

時而近習之從容無間士大夫之禮貌既莊而難親其 將以陰察此輩之負犯而操切之陛下既未能循天理 金クロカノー 議論又苦而難入近習便辟側娟之態既足以盡心志 聽士大夫之公言以為駕馭之術則士大夫之進見有 又慮其勢有所偏而因重以壅已也則時聽外廷之論 其骨吏狡猾之術又足以眩聰明此其生熟甘苦既有 公聖心以正朝廷之大體則固已失其本矣而又欲無 分恐陛下未及施其駕馭之術而先墮其數中矣是

薦臻羣小相挺人人皆得滿其所欲惟有陛下了無所 借力於所重以為竊位固寵之計中外相應更濟以私 欠二可見 二三 得而國家顧乃獨受其弊其三言採荒利害如州縣旱 士夫之勢日輕重者既挾其重以竊陛下之權輕者又 傷早行檢放從實蠲減勘諭人戶賑難務得其平納栗 传充塞貨貼公行兵愁民怨盗賊問作災異數見饑饉 Ħ 雖欲微抑此輩而此輩之勢日重雖欲無采公論而 往月來浸淫耗蝕使陛下之德業日號網紀日壞 勉癬集

金分四月全書 持服官員時暫管幹其四言水早三分以上第五等戶 達慢者奏劾昏病者別與差遣仍選差得替待關官廟 之人早行推賞所納米數仍減其半乞撥豐儲倉米三 請領行社倉條約於諸路其五言紹與和買乞議草其 身等錢預行蠲放及免米商力勝稅錢量立賞格官吏 十餘萬石以備濟糶州縣新舊官物並且住催紹與丁 弊其六言南康當乞蠲城星子租税有可拒以對補各 免檢並放五分以上第四等戶依此施行乞行著令及 卷三十六

米價不登人得安業至是乞推行之白鹿書院事本不 封事繕寫成册用袋重封於問門投進後五割亦有非 對奏劉凡七其一二皆自書以防宣泄又以南康所上 大三つる とこう 居之鄉每歲春夏之交豪戶閉雜年利細民發原强奪 細鄙狹不達大體其七言白鹿書院請賜書額先生所 容整暇盖急於採民罄竭忠悃不敢有所隐也先生所 動相賊殺幾至挺變先生當率鄉人置社倉以賬貸之 一時捄荒之急者當倥偬不暇給之際而憂深慮遠從 M 勉濟集 兰

承好四月全書 |米商蠲其征及至客舟之米已輻凑復以入奏荒政數 必有鄙薄儒生之意而大臣先為此言不可及對卒言 **暇及前期執政使人諭以且宜勿言先生因念主上未** 民隐至廢寢食分畫既定按行所部窮山長谷靡所不 事推廣條上情詞懇惻條目詳密日與僚屬寫公鈉訪 到拊問存恤所活不可勝計每出皆乘單車展徒從所 之上委曲訪問悉從其請先生初拜命即移書他郡募 歷雖廣而人不知郡縣官吏憚其風采倉皇驚懼常 卷三十六 大色日本人 義田罷去役首免排役此官差保正副長輪收義田仍 敷及减免下戶丁錢以優之又乞免台州丁錢至於差 贯頭科敷惟處真下戶受其獎則請參用髙下等第均 苦初奏紹與和買之弊至是乞先與痛減嚴額然後用 盗捕蝗與水利為急大抵措畫悉如南康時而心用尤 役利害亦常條具數千言申省義役之法則乞令均出 使者壓其境至有自引去者由是所部肅然而尤以戢 令上戶魚充戶長又乞取會福建下四州見行産鹽法 勉齊集

金万巴居白世 坊為萬戶於抹荒之餘猶悉及他事以為經久之計先 其次惟有盡出內庫之錢以供大禮之費為收雜之本 益於事蝗早相仍不勝憂憤復奏言為今之計獨有斷 生猶以徒費大農數十萬緣無以全活一道饑民自劾 詔戸部無得催理舊欠詔諸路漕臣遵依條限檢放 自聖心沛然發號賣躬求言然後君臣相戒痛自省改 义以前後奏請多見抑却幸而從者又率稽緩後時無 行於本路沿海四州又乞依處州見行之法改諸郡酒

財散猶可復聚民心一失則不可復收身危猶可復安 之事明公憂國之念不如愛身之切是以但務為阿該 朝廷愛民之心不如惜費之甚是以不肯為極力救民 |其害者不止於官吏而上及於國家也復上時掌書云 選賢能責以荒政處幾猶足以下結人心消其來時作 欠このほんはあ 順肯之計然民之與財孰輕孰重身之與國孰大孰小 亂之意不然臣恐所憂者不止於餓殍而在於盗賊家 勉癬集 **十**五

租記室臣沙汰被災路分州軍監司守臣之無状者遇

金分口戶人 憲未行先生行部訟者紛然得其姦贓偽造楊弊等事 散閣辭台守唐仲友與時相王淮同里為姻家遷江西 其所聚有不為大盜積者耶九年以賑濟有勞進直徽 弟婦王氏驚悸病篤論愈力章至十上事下紹與府鞫 劾之時久旱而雨奏上淮匿不以聞仲友亦自辯且言 奪之牛辭不拜遂歸尋令两易江東解及解職名具言 之獄具情得乃奪其新命授先生先生以為是蹊田而 國勢一傾則不可復正至於民散國危而措身無所則

文記の本 Ardin 道觀先生守南康使浙東始得行其所學已試之效卓 友淵源之所自亦復無故横肆紙排為臣之計惟有乞 難以復沾恩賞並不許受職名再解新任且乞奉祠言 者馳鶩經營於下若其加害於臣不遺餘力則遠至師 所劾贓吏黨與眾多並當要路大者室制斡旋於上小 唐仲友雖寢新命已具之獄竟釋不治則是所按不實 氏之學以陰武先生者故有是言十年差主管台州崇 身就間或可少紓患害時從臣有奉時相意上疏毀程 勉齊集 ナバ

第二等以上人常詢關陞及省部胥吏並不得注擬若 重者有可議刑亦從派宥之法則天理民奏幾何不至 許遂行又以疾請奉祠者再淮罷相遂力疾入奏首言 待次以疾離不許遂拜命十五年促奏事又以疾離不 於冺滅又言州郡獄官乞注有舉主關陞及任滿銓試 是海內學者尊信益衆十四年除提點江西刑獄公事 然而卒不果用退而奉崇道雲臺鴻慶之祠者五年自 近年以來刑獄不當輕重失宜甚至涉於人倫風化之

金以上屋石書

或主簿同行推訊又言提刑司管惟經總制錢起於宣 大足口事 台馬 災傷檢放倚閣錢米已無所入而經總制錢獨不豁除 數而隨以取之及紹與經界民間投印達限契約所入 和末年倉卒用兵權宜措畫其始亦但計其出納之實 縣獄則專委之令或不得人則無所不至亦望令縣丞 言江西諸州科罰之弊至其末篇乃言陛下即位二 州縣之煎熬何日而少好斯民之愁難何時而少息又 倍於常歲自後遂以是年為額而立為比較之說甚至 勉得集

金少巴尼人 是非得失之機明分角立交戰於其中故體貌大臣非 未純人欲有未盡歟天理未純是以為善不能充其量 覆而思之無乃無閒起居之間虚明應物之地天理有 有七年而因循在并無尺寸之效可以仰酬聖志當 切而柔邪庸繆得以久竊廊廟之權非不樂聞公議 不辱而便嬖側娟得以深被腹心之寄寤寐英豪非不 欲未盡是以除惡未能去其根一念之頃公私邪 而有時不容非不聖讒說於行而未免誤聽非不

之間用人處事之際無不以是裁之則聖心洞然中 次定四軍全書 题 果天理也則敬以充之而不使其少有壅閣果人欲也 以往一念之頃則必謹而察之此為天理耶為人欲 力而未免歎息愁怨几若此彙不一而足願陛下自今 報 陛下之所欲為無不如志矣是行也有要之於路以正 融澈無一毫之私欲得以介乎其間而天下之事將惟 則敬以克之而不使其少有疑滞推而至於言語動 復陵廟雙恥而不免畏怯茍安非不欲愛養生靈財 、勉癬集 耶

|善曰久不見卿浙東之事朕自知之今當處卿清要不 職名又令吏部給還改官以後不曾陳乞磨勘盖先生 心誠意為上所厭聞成以勿言者先生曰吾平生所學 林栗前數日與先生論易西銘不合至是遣部吏抱印 復勞即州縣除兵部即以足疾巧祠未供職本部侍郎 只有此四字豈可回互而欺吾君乎及奏上未當不稱 先生欲易以他部郎時相竟請授以前江西之命仍舊 **迎以供職先生以疾在告遂疏先生欺慢時上意方嚮**

きジャノ

次足口事全十四 勉強其 易退之褒復為彈冠結經之計則其為世觀笑不但往 職名解召命以為遷官進職皆為許其間退方竊難進 解磨勘及職名不許轉朝奉郎未踰月再召時廟堂知 寄章再上除直實文閣主管西京萬山崇福官栗亦罷 禮為人臣子有此名罪當誅戮豈可復任外臺耳目之 乞磨勘者十有四年先生行且辭曰論者謂臣事君無 改秩既出特恩其後累任祠官無績可考以故不曾陳 上眷厚憚先生復入故為两罷之策上悟先生復召受

内自心腹外達四支無一毫一髮不受病者臣不暇言 併具封事投匭以進其略曰今天下大勢如人有重病 業業持守此心雖在紛華波動之中坐獨得肆之地而 者陛下之心急務則輔異太子選任大臣振樂網維變 以為口陳之說有所未盡乞具封事以聞至是再辭遂 且以天下之大本與今日之急務為陛下言之盖大本 來屑屑之識又促召初先生入奏事迫於疾作當面奏 化風俗爱養民力脩明軍政六者是也古先聖王兢兢

金グロアノニ

微之間或有差失而不自知是以建師保之官列諫諍 官省事禁臣固不得而知然爵賞之濫貨縣之流問巷 髮之私陛下之所以精一克復而持守其心果有如此 之功乎所以脩身齊家而正其左右果有如此之效乎 '政無一不領於家室使其左右前後一動一静無不 職凡飲食酒漿衣服次舍器用財賄與夫官官官妾 以有司之法而無繼芥之隙瞬息之項得以隐其毫

以精之一之克之復之如對神明如臨淵谷猶恐隐

次足可事心情

勉強集

金だでだる言 |未有以及古之聖王也至於左右便嬖之私思遇過當 愚竊以為此輩但當使之守門傳命供掃除之役不當 往者淵觀說於之徒勢焰熏灼傾動一時今已無可言 矣獨有前日臣所面陳者雖家聖慈委曲開譬然臣之 竊言盖人已不勝其籍籍則陛下所以脩之家者恐其 招權勢於外以累聖政臣竊聞之道路自王抃既逐之 假借崇長使得逞邪媚作淫巧於内以蕩上心立門庭 後諸將差除多出此人之手陛下竭生靈膏血以奉軍

大正日本上出 者未能及古之聖王又明矣至於輔翼太子則自王十 **暱之以是為我之私人至使宰相不得議其制置之得** 失給諫不得論其除授之是非則陛下所以正其左右 之臣外交將師共為欺蔽以至於此而陛下不悟反寵 旅而軍士顧乃未當得一温飽是皆將帥巧為名色奪 已鮮矣而又時使那伎儇薄闆冗妄庸之輩或得參錯 朋陳良翰之後官察之選號為得人而能稱其職者盖 取其糧肆行於貨賂干近習以圖進用出入禁闥腹心 勉強集

金分四月 人 董而已唐之六典東宫之官師傅賓客既職輔導而產 之效至於從容朝夕陪侍遊熊者又不過使臣官者數 於其間所謂講讀亦姑以應文備數而未聞其有箴規 則師傅賓客既不復置而詹事庶子有名無實其左右 事府两春坊實擬天子之三省故以詹事庶子領之今 心獨使春坊使臣得侍左右則無以防其戲慢媒狎奇 而不置師傅屬客則無以發其陰師親友尊德樂義之 春坊遂直以使臣掌之何其輕且褻之甚耶夫立太子

卷三十六

使臣而使詹事展子各復其職至於選任大臣則以陸 者直以一念之間未能撤其私邪之散而凝私之好便 嬖之流不能盡由於法度若用剛明公正之人以為輔 **家雜進之害宜討論前典置師傅廣客之官罷去春坊** 欠已日月上十 擒之際 常先排檳此等真之度外而後取几疲懦軟 相則恐其有以妨吾之事害吾之人而不得肆是以選 可任哉其所以常不得如此之人而反容鄙夫之竊位 下之聰明豈不知天下之事必得剛明公正之人而後 勉虧集

位是以除書未出而物色先定姓名未顯而中外已逆 平日不敢直言正色之人而揣摩之又於其中得其至 庸極陋决可保其不至於有所妨者然後舉而加之於 人顧乃得以窟穴盤據於其間而陛下目見耳聞無非 則今日宮省之間禁密之地而天下不公之道不正之 知其决非天下之第一流矣至於振肅紀綱變化風俗 不著疾惡之意不深其害已有不可勝言者矣及其作 不公不正之事則其所以熏蒸銷鑠使陛下好善之

金切四尾百量

甚大率習為軟美之態依阿之言以不分是非不辯曲 是以風俗頹弊於下盖其為患之日外矣而浙中為尤 以有司之法是以紀綱不能無所撓敗紀綱不正於上 必得而後已甚者以金珠為脯臨以契券為詩文字 姦犯法則陛下又未能深割私爱而付諸外廷之議論 たれつう たいう 敢稍佛其情惟其私意之所在則千塗萬轍經營計較 直為得計下之事上固不敢少忤其意上之御下亦不 可唱則唱室相近習可通則通近習惟得之求無復產 勉癬集

掛欠空載簿籍不可催理者撥還版曹以為內努之積 為歲終美餘之數而輸之內帮顧以其有名無實積累 排檳託辱必使無所容其身而後已嗚呼此豈治世之 錮天下之賢人君子復如崇宣之間所謂元祐學析者 排指為道學而加以矯激之罪十數年來以此二字禁 允文之為相也盡取版曹歲入軍名之必可指擬者號 事而尚復忍言之哉至於愛養民力脩明軍政則自虞 恥一有剛毅正直守道循理之士出乎其間則羣譏衆

一金好四届全書

欠己り事心心 為比較監可郡守殿最之法以誘肠之於是中外承 嘗聞其能用此錢以為制敵之計為國家一雪其恥 得以式貢均節其出入版曹不得以簿書勾考其有亡 年內帑歲入不知幾何而認為私貯典以私人宰相不 将以備他日用兵進取不時之須然自是以來二十餘 其日銷月耗以奉熊私之費者盖不知其幾何矣而曷 來破分良法而必以十分登足為限以為未足則又造 徒使版曹經費闕乏日基督趣日峻以至廢去祖宗以 勉斯集 Ē

置之方乖剌如此則其智勇材略之人孰肯抑心下首 輸錢已備晚唐之債即哉夫將者三軍之司命而其選 **贖具若則誠以為公薦而可以得人矣而豈知其詣價** 後具奏為贖而言之陛下之前陛下但見等級推先案 軍中使自什五以上節次保明稱其材武堪任將即然 持克士卒以殖私財然後以此自結於陛下之私人而 競為苛急此民力之所以重因也諸将之求進也必先 祈以姓名達於陛下之貴將貴將得其姓名即以付之

金分四乃全書

卷三十六

欠已日日 Listing ■/ 勉斯集 燭讀之終篇明日除主管太乙宮魚崇政殿説書時上 哉几此六事皆不可緩而本在於陛下之一心一心正 走卒而猶望其脩明軍政激勸士卒以强國勢豈不誤 於宦官官妾之門而陛下之所得以為將即者皆庸夫 已有倦勤之意盖將以為燕翼之謀先生嘗草奏疏言 愈至有不可為矣疏入夜漏下七刻上已就寢急起東 精勞力以求正夫六事者亦將徒為文具而天下之事 則六事無不正一有人心私欲以介乎其間則雖欲憊 Î

樂外侮几十事欲以為新政之助會執政有指道學為 抗公道明義理以絕神姦擇師傅以輔皇儲精選任以 講學以正心脩身以齊家遠便嬖以近忠直抑私恩以 金分四月百十 生當孝宗朝陸對者三上封事者三其初固以講學家 那氣者力解新命除秘閣价撰仍奉外祠遂不果上先 復之義其初固以當世急務一二為言其後封事之上 理為出治之大原其後則直指天理人欲之分精一 明體統振紀綱以屬風俗節財用以固邦本脩政事以 卷三十六

君父愈深而其言愈切故於封事之未有曰日月逾邁 則心術宫禁時政風俗披肝瀝膽極其忠鯁盖所望於 之涕下先生進疏雖切孝宗亦開懷容納武博編摩秋 如川之流一往而不復不惟臣之蒼顏白髮已迫遲莫 盡忠孝宗之受盡言亦未為不遇也然先生進言皆痛 又知其不可强留而授之至是復有經惟之命先生之 省即曹之除盖将引以自近守南康持浙東江西之節 而竊仰天顏亦覺非昔時矣忠誠怨惻至今讀者猶為 大三 Dial Aidis Man

支

職名仍舊直實文閣降詔獎諭除江東轉運副使以疾 武大臣近習孝宗之眷愈厚而嫉者愈深是以不能 嫁娶之儀揭以示之命父老解説以教子弟釋氏之 辭者再軍恩轉朝散即賜絲衣銀魚改知漳州又再以 學校教誘諸生如南康時又以習俗未知禮採古喪葬 奏除屬縣無名之賦七百萬減經總制錢四百萬加意 疾離不許時光宗初政再被除命遂以紹熙元年之 日安其身於朝廷之上而孝宗內禪矣光宗即位再辭

金少口五人一

卷三十六

宣德意勝之通衛則邦民鼓舞而寓公豪右果為異議 之說三將必至於不能行之說一盖謂經界法行息争 以至方量之法洞見本末遂疏其事上之且言必可行 生初任同安已知經界不行之害至是訪事宜擇人 為奏請昭雪褒其直會朝論欲行泉漳汀三州經界先 南方為盛男女聚僧盧為傳經會女不嫁者私為庵舍 止訟大為民利而占田隱稅侵漁貧弱者所不便及具 以居悉禁之俗大變郡有故廸功郎高登忤秦檜貶死 Carried Nation

南西路經界安撫解四年又解主管南京鴻慶官未緣 初政當解前件職名已降褒詔從其請難以復受解者 以沮之遂因地震及足疾不赴錫宴自劾其冬有古先 使再解漳州經界竟報罷遂以前言經界可行自劾三 再詔論撰之職以寵名儒乃拜命除荆湖南路轉運副 再請奉祠除私閣偷撰主管南京鴻慶官先生以當上 行漳州經界南方春早事已無及明年屬有嗣子之丧 再以疾降乞補滿宮觀從之又數月差知静江府唐

到灾四周全世

卷三十六

請録故死即五人為之立廟孝宗升遐先生哀慟不能 方之學者畢至又以南康漳州所申改正釋奠儀式為 一致姦吏抑豪民先生所至必 興學校明教化湖相士子 差知潭州荆湖南路安撫以辭遠就近不為無嫌力辭 欠巴口戶心 自勝又聞上以疾不能執丧中外海海益憂懼遂申省 拜命赴鎮至則遣人諭以禍福皆降之申教令嚴武備 素知學日何公退則請質所疑先生為之講說不像四 五年再解有古長沙巨屏得賢為重會洞療擾屬郡逐 勉齊集 赱

潜的聞先生名每恨不得先生為本官講官至是首名 承宣布於下所以內外相維小大順序雖有强猾姦完 應以小燒廢奏倫言頗切直會令上即位不果上上在 何所憑恃而能服其衆哉又草封事極言父子天性不 無所逞志不然以一介書生置諸數千里軍民之上亦 五常之教建立脩明於上然後守潘述職之臣有以禀 先生行且解除與章閣待制侍講解不許又再解

金分四月合言

乞歸田里言天下國家所以長人安寧惟賴朝廷三綱

卷三十六

盖將求所以深得親散者為建極導民之本思所以大 帶元官職奏事者再及入對首言乃者天運艱難國有 使倖門一開其弊豈可復塞至於博延儒臣專意講學 大小Dist Litis / 有用事者故預有是言又不許遂奏乞且依元降指揮 或繆所緊非輕盖先生在道間南內朝禮尚闕近習戶 振朝綱者為防微慮遠之圖顧問之臣實資輔養用人 大谷所謂天下之大變而不可以常理處者太皇太后 勉雅集

且言陛下嗣位之初方将一新族政所宜愛情名器者

多好四角全書 發用之本然所以行權而不失其正之根本也誠即是 之尚猶有可該者亦曰陛下之心前日未當有求位之 名實之際禍亂之本又已伏於冥冥之中竊為陛下憂 躬定大策陛下寅紹不圖可謂處之以權而庶幾不失 心而充之 計今日未當忘思親之懷此則道心微妙之全體天 其正矣然自項至今亦既三月或反不能無疑於逆順 下者臣有以知陛下之不難矣借曰天命神器不可無 /所謂求仁得仁而無怨終身欣然樂而忘天

歌定四事全書 !! 之禮始終不越乎此而大倫正大本立矣次言為學莫 傳宗廟社稷不可無奉則轉禍為福易危為安亦豈可 致精致精之本則又在於居敬而持志又三割言湖南 先於窮理窮理必在於讀書讀書之法莫貴於循序而 引惡之誠充吾未當忘親之心則可以致吾温凊定省 舍此而他求哉充吾未當求位之心則可以盡吾負罪 **成計入少出多不可支吾乞裁減差到諸班換換歸正** 雜色補官負數邵州邊防全無措畫以致淫人侵犯方 勉強係

遣以為未得進說而先受厚恩萬一異時未效消埃而 辭待制侍講不許翌日又辭待制職名乞改作説書差 移置塞栅增撥戍兵潭州城壁乞行計度脩築既對面 內淺薄掘深五尺下有水石旋改新穴比舊僅高尺餘 儒重道之意遂拜命會趙彦逾按視孝宗山陵以為土 卿經将淵源正資勸講次對之職勿復牢辭以副朕崇 孫逢吉覆按亦乞少寬日月別求吉兆有音集議臺 疾病不支遂竊侍從職名而去則臣死有餘罪上手礼

次定四年全書 一一 泉沙礫之中殘破浮淺之地不報軍恩轉朝請即賜紫 |臺史罔上誤國之言固執紹與坐南向北之說委之水 吉土以奉衣冠之藏當廣求術士博訪名山不宜偏信 **憚之議遂中寝先生竟上議狀言壽皇聖徳神功宜得** 章服實録院同脩撰再辭不許拜命受詔進講大學先 並令早晚進講又乞置局看詳四方封事瑞慶節免 除朔望旬休及過官日分不以寒暑雙隻日月諸假故 生以平日論著數陳開析務積誠意以感上心遂奏乞 勉強集

皆以尊老之年兇然憂苦不宜大與土本以就安便壽 四事奏言當上帝震怒災異數出畿甸百姓饑餓流離 太上皇帝未獲進見壽皇山陵未卜太皇太后皇太后 拒而不得見亦宜矣朝廷紀綱尤所當嚴上自人主下 無異尋常太上皇帝必以為此特備禮而來其深閉固 至百執事各職業不可相侵令進退宰執移易臺諫皆 康定省之禮所宜下詔自責頻日繼性顧乃速迎舒緩

多シャノ ノニュ

賀皆從之復因有古脩茸舊東官為屋三數百間遂具

墮其交結眩惑之計皆不報先生進講每及數次復以 當於理亦非為治之體况中外傳聞皆謂左右或竊其 欠正可見 前所講者編次成帙以進上亦開懷容納且面諭以求 為獨斷而主威不免於下移欲以求治而返不免於致 柄而其所行义未能盡允於公議乎此弊不革臣恐名 出陛下之獨斷大臣不與謀給舍不及議正使其事悉 放心之說甚善所進册子官中當讀之今後更為點來 亂未復申言敢宮之卜不宜偏聽臺史膠固繆妄之言 勉齊禁

|先生知上有意於學遂以割子勉上進德其畧言願陛 金少四月百十 戚而又因以察其人才之那正短長庶於天下之事各 道便陳今日要務客如仁祖開天章閣故事至於厚臣 觀史親近儒學已用力處益用力馬數召大臣切剷治 得其理又奏禮經初今子為父嫡孫承重為祖父皆斬 進對亦賜温顏及覆詢訪以求政事之得失民情之休 下日用之問語點動静必求放心以為之本而於玩經 衰三年嫡子當為父後不能襲位執受則嫡孫繼統而

為父且然則嫡孫承重可知人紀廢壞三綱不明千有 代之執喪自漢文短丧歷代因之天子遂無三年之丧 服不惟上達禮律且使壽皇已行之禮舉而復墜臣竊 壽皇已行之法一時倉卒不及詳議遂用漆沙淺黄之 次陛下以世嫡承大統則承重之服著在禮律所宜導 法程問者遺語初領太上皇帝偶達康豫不能躬就丧 餘年莫能釐正壽皇聖帝至性自天孝誠內發易月之 RADIOL RILL 外猶執通丧朝衣朝冠皆以大布所宜著在方册為世 勉齊某 1141

之位者有古集議僖順翼宣四祖祧主宜有所歸自太 有併請祧僖宣二祖奉太祖居第一室祫祭則正東向 官務考禮律預行指定會孝宗科廟議宗廟送毀之次 復用初丧之服則其變除之節尚有可議欲望明詔禮 奏信祖有廟與稷契無異請復其舊詔從之時相雅 者以世數浸遠請遷傳祖於夾室未及數年王安石等 痛之然既往之失不及追改惟有將來啟殯發引禮當 祖皇帝首尊四祖之廟以僖祖為四廟之首治平問議

議狀條其不可者四以為藏之夾室則是以祖宗之主 大足り事会官 以其心急於尊奉太祖三年一祫時暫東向之故不知 其實無益於太祖之尊而徒使僖祖太祖两廟威靈相 不得謂之給欲别立一廟則丧事即遠有毀無立欲歲 與争較强弱於冥冥之中并使四祖之神疑於受嬪傍 下藏於子孫之夾室至於給祭設幄於夾室之前則亦 >天與殿則宗廟原廟不可相雜議者皆知其不安特 勉齊集 盂

以熈寧復祀僖祖為是先生度難以口舌争遂移疾上

金グビガノラ **徨躑躅不知所歸令人傷痛不能自己令但以太祖當** 所謂有其舉之而莫敢廢者乎又擬為廟制以辯議者 神宗皇帝復奉以為始祖已為得禮之正而合於人心 於此必有所不忍又况僖祖祧主遷於治平不過數年 本盖出僖祖安得為無功業議狀既上廟堂持之不以 日追尊帝號之心而默推之則知太祖今日在天之 旦并遷,僖宣二祖析太祖太宗為二之失復引元祐 儒程順之説以為物豈有無本而生者今日天下基 /虚

吹起日本公言 !! 子畫圖以進上然之且曰僖祖國家始祖高宗孝宗太 頗達上聽忽有吉召赴內殿奏事因節器状文及為割 偏主樓鑰陳傅良又復奉合裝綴以附其說先生所議 聞既毀撒僖宣廟室更創别廟以奉四祖宰相既有所 語以御批直罷其事先生方懲内批之弊因言乞降出 行經生學士知禮者皆是先生一時異議之徒忌其軋 **劄子再令臣察集議既退復以上意諭廟堂而事竟不** 上皇帝不曾遷今日豈敢輕議欲今先生於楊前撰數 勉強禁

先生又於所奏四事疏中斥言左右竊柄之失後因講 免待制侍講已微寓其意及進對復當再三面言又約 者艾方此隆冬恐難立講已除即官觀室相執奏不行 筵留身復申言前疏乞賜施行既退即降御批云憫卿 吏部侍郎彭龜年共攻之龜年出護使客佐胄益得志 已權姦遂從而乗之上之立也丞相趙汝愚客與知問 外之言作胃自謂有定策功居中用事先生自長沙辭 事韓作胃謀之作胃於太皇太后為親屬因得通中

歌定四軍全書 八 預朝政且有分界限立紀網防微杜斯謹不可忽之 數以手書遣生徒客白丞相當以厚賞酬其勞勿使得 待制與州郡差遣力韓尋除知江陵府又力解仍乞追 觀新政先生獨惕然以作胃用事為慮既屢為上言又 永州丞相既當大任收召四方知名之士中外引領以 元元年又乞追還舊職不許趙丞相亦能誣以不執論 還新舊職名詔依舊煥章閣待制提舉南京鴻慶官應 日徑以御批付下臺諫給舍亦争留不可除寶文閣 勉齊集

自念身雖閒退尚帶侍從職名不敢自黑遂草書萬言 是吏部取會磨勘至是轉朝奉大夫又辭職名乞休致 避翁以廟議不合乞收還職名又以疾乞休致不許先 以筮决之遇趣之同人先生默然退取諫豪焚之自號 極言姦邪蔽主之禍因以明其冤詞青痛切諸生遂諫 **苟安無復遠慮丞相既逐而朝廷大權悉歸佐胄先生** 丞相方謂其易制所倚以為腹心謀事之人又皆持禄 又以當妄議山陵自劾又言已罷講官不敢復帶侍以

きょして

次定四華全書 一 等語及先生沒伯壽守建寧又不以聞故復職之命猶 監察御史上章誣武落職罷祠四年十二月以來歲年 職名詔依舊秋閣脩撰二年又言昨來疏封錫服封贈 禮恨不薦已先生辭次對除脩撰也伯壽行詞有慢偽 及七十申乞致仕五年依所請六年三月甲子終於正 麼 補磨勘轉官皆為已受從官恩數乞改正沈繼祖為 除華文閣待制與致仕思澤傅伯壽故家子當執弟子 寝十一月壬申葜建陽縣唐石里之大林谷嘉泰二年 勉強集

者並行除毀六經語孟悉為世之大禁猾胥賤隷頑鈍 科舉取士稍涉經訓者悉見排點文章議論根於理義 以學為偽謂貪黷放肆乃人真情潔庶好禮者皆偽也 懦者更名他師過門不入甚至變易衣冠押遊市肆以 無耻之徒往往引用以至卿相繩趨尺步稍以儒名者 無所容其身從遊之士特立不顧者屏伏丘壑依阿巽 自别其非黨先生日與諸生講學竹林精舍有勸以謝 生存也自先生去國佐胄勢益張鄙夫儉人迎合其意

一勢已成作胄志氣驕溢遂至擅開邊景幾危宗社而生 歌定四車全書 人 靈堂炭矣開禧三年作胄伏誅立徒檢賞根株斤戮嘉 遣生徒者笑而不答先生既殁善類悉已排擯羣小之 然謹難進之禮則一官之拜必抗章而力辭厲易退之 戚然有不豫之色語及國勢之未振則感慨以至沒下 夫先生平居慘倦無一念不在於國聞時政之關失則 中大夫特贈實謨閣直學士後以明堂恩累贈通議大 定元年詔賜諡與遺表恩澤明年賜諡曰文义明年贈 勉齊集

文獻之傳聞河洛之學推明聖賢遺意日誦大學中 萬世宗師則不以用含為加損也自幸齊先生得中原 於朝者四十日道之難行也如此然紹道統立人極為 售其愛民也不狗俗以茍安故其與世動輒龃嚭自筮 以用力於致知誠意之地先生蚤歲已知其說而心好 幸齊病且亟屬曰籍溪胡原仲白水劉致中屏山劉 以至屬續五十年間歷事四朝仕於外者僅九考立 語不合处奉身而正去其事君也不貶道以求

之而惟其言之聽則吾死不恨矣先生既孤則奉以告 次定日事人生 一 三君子而禀學馬時年十有四慨然有求道之志博求 彦冲三人吾友也學有淵源吾所敬畏吾即死汝往事 倫比又曰顏悟絕人力行可畏其所論難體認切至自 於龜山楊先生延平於韋齊為同門友先生歸自同安 之經傳編交當世有識之士雖釋老之學亦必究其歸 不逐數百里徒步往從之延平稱之曰樂善好義鮮與 >訂其是非延平李先生學於豫章羅先生羅先生學 勉強

先主一既為之箴以自警又筆之書以為小學大學皆 終也謂致知不以敬則昏惑紛擾無以察義理之歸躬 也窮理以致其知反躬以踐其實居敬者所以成始成 本於此終日嚴然端坐一室討論典訓未當少輟自吾 行不以敬則怠惰放肆無以致義理之實持敬之方莫 之中窮此理於學問思辨之際皆有以見其所當然 心一身以至萬事萬物莫不存理存此心於齊莊静

是從遊累年精思實體而學之所造者益深矣其為學

自りせ

|前而知覺不昧事物相接而品節不差無所容乎人 陽而五行具禀陰陽五行之氣以生則太極之理各具 之私而有以全乎天理之正不安於偏見不急於小成 嚴愈敬隐微幽獨之際所以省察者愈精愈客思慮未 者未嘗不反之於身也不賭不聞之前所以戒懼者愈 於其中天所賦為命人所受為性感於物為情統性情 而道之正統在是矣其為道也有太極而陰陽分有陰 而不容已與其所以然而不可易然充其知而見於行

次足写事上

勉強集

於事則為君臣父子夫婦兄弟朋友之常求諸人則人 惡辭遜是非之端形於身則為手足耳目口鼻之用見 謂建諸天地而不悖質諸聖賢而無疑矣故其得於 其精而不亂然後合之盡其大而無餘先生之於道可 充塞宇宙無一息之間斷無一毫之空闕莫不析之極 之理不異於已參諸物則物之理不異於人貫徹古今 為心根於性則為仁義禮智之德發於情則為惻隐羞 而為德也以一心而躬造化之原盡性情之妙達聖賢

金グセガム

明足以察其微剛足以任其重弘足以致其廣毅足以 粗不見其或遺表裏初終不見其或異至其養深積厚 之縊以一身而體天地之運備事物之理任綱常之 有日新又新不能自己者而非後學之所可擬議也 精猶以為義理無窮歲月有限常軟然有不足之意盖 矜持者純熟嚴厲者和平心不待操而存義不待索而 極其常其存之也虚而静其發之也果而確其用之也 應事接物而不窮其守之也歷變履險而不易本末精

灰色写真全事 一

勉齊集

1

造次顛沛未當有須史之離也行於家者奉親極其孝 目端坐体而起也整步徐行中夜而寢既寢而寤則擁 食而坐或至達旦威儀容止之則自少至老·祁寒盛暑 食也美食行列有定位七箸舉措有定所倦而休也瞑 坐端而直其閒居也未明而起深衣幅巾方履拜於家 廟以及先聖退坐書室几案必正書籍器用必整其飲 可見之行則脩諸身者其色莊其言屬其行舒而恭其 下極其慈閨庭之間內外斬斬思義之篤怡怡如也

其祭祀也事無纖鉅必誠必敬小不如儀則終日不樂 钦定四年全書 於親故雖疎遠必致其爱於鄉間雖微賤必致其恭吉 已祭無達禮則油然而喜死丧之禮哀戚備至飲食衰 蔽體食取充腹居止取足以障風雨人不能堪而處之 **卤慶吊禮無所遺賜恤問遺恩無所關其自奉則衣取** 经各稱其情賓客往來無不延遇稱家有無常盡其歡 綸規畫正大宏偉亦可概見雖達而行道不能施之 如也若其措諸事業則州縣之施設立朝之言論經 · 熱齊集

時然退而明道足以傳之萬代謂聖賢道統之傳散在 方册聖經之古不明則道統之傳始晦於是竭其精力 則求其本義攻其末失深得古人遺意於數千載之 之意使讀而味之者如親見聖賢而面命之於易與詩 門造道之域者既已極深研幾探贖索隐發其旨趣 數經者見之傳注其關於天命之微人心之與入 研窮聖賢之經訓於大學中庸則補其闕遺別其次 綱領條目粲然復明於論語孟子則深原當時答問 徳

次定四車全書 達旦不寐或累日不倦必求至當而後已故章青字義 之矣若歷代史記則又考論西周以來至於五代取司 獨存於樂則関後世律尺既亡而清濁無據是數經者 艱澁反不若古文之平易於春秋則疑聖心之正大决 亦嘗討論本未雖未能著為成書然其大古固已獨得 不類傳注之穿鑿於禮則病王安石廢罷儀禮而傳記 至微至細莫不理明詞順易知易行於書則疑今文之 而無遺矣至於一字未安一詞未備亦必沉潛及覆或 勉齊集 19

一識見小偏流於異端者亦必研寫剖析而不沒其所 淺所見有疏密先生既為之區別以悉取其所長至或 聖賢為與不至於沒沒程張門人祖述其學所得有深 不章為之裒集發明而後得以盛行於世太極先天二 之書所以繼孔孟道統之傳歷時未从微言大義鬱而 而不紊國家之理亂君臣之得失如指諸掌周程張邵 馬公編年之書繩以春秋紀事之法網舉而不繁目張 圖精微廣博不可涯沒為之解剥條畫而後天地本原

金グロカノニ

· 政定四車全書 管聖賢指棄經典猖狂叫毀則解固陋自以為悟立論 私二說並立高者陷於空無下者獨於果陋其害豈淺 愈下者則又崇獎漢唐比附三代以便其計功謀利之 求道而過者病傳注誦習之煩以為不立文字可以識 南軒張公東來已公同出其時先生以其志同道合樂 心見性不假脩為可以造道入德守虚靈之識而昧天 與之友至或識見少異亦必講磨辩難以一其歸至若 理之真借儒者之言以文老佛之說學者利其簡便託 勉爾集

之旨趣然不會其極於中庸則又何以建立大本經綸 孟之精微不參之以論孟則無以融會貫通而極中庸 大經而讀天下之書論天下之事哉其於讀書也又义 後及諸經以為不先乎大學則無以提綱挈領而盡論 使之辯其音釋正其章句玩其辭求其義研精單思以 靡然向之先生教人以大學語孟中庸為入道之序而 淺哉先生力排之俾不至亂吾道以惑天下於是學者 究其所難知平心易氣以聽其所自得然為已務實辯

ij

次足日事在5 邊徽亦知蒙其道竊問其起居窮鄉晚出家蓄其書私 諸生問辨則脱然沉痾之去體一日不講學則惕然常 形於色講論經典商略古令率至夜半雖疾病支離至 學者窮理反身而持之以敬也從遊之士选誦所習以 質其疑意有未諭則委曲告之而未常倦問有未切則 别義利母自欺謹其獨之戒未當不三致意馬蓋亦欲 以為憂樞衣而來速自川蜀文詞之傳流及海外至於 反覆戒之而未當隐務學寫則喜見於言進道難則憂 勉齊集 马五

其理各造其極哉學脩而道立德成而行尊見之事業 **益泉亦足以見理義之感於人者深也繼往聖將微之** 為世法是非次京之其學行之為安能事事物物各當 志律歷兵機亦皆洞究淵微文詞字畫騷人才士疲精 緒改前賢未發之機辨諸儒之得失闢異端之訛繆明 叔諸人者不可勝數先生既殁學者傳其書信其道者 竭神常病其難至先生未當用意而亦皆動中規繩可 天理正人心事業之大又孰有加於此者至若天文地

黄幹尤拳拳以勉學及脩正遺書為言翌旦門人侍疾 **閩域哉嗚呼是殆天所以相斯文篤生哲人以大斯道** 之傳也先生疾且草手為書獨其子在與門人記念德 Land Just Glans 者請教先生曰堅苦問温公丧禮曰疎略問儀禮頷之 從事而計告所至從遊之士與夫聞風慕義者莫不相 已而正坐整冠衣就枕而逝門人治丧者既一以儀禮 勉齊集 四十六

者又如此秦漢以來迂儒曲學既皆不足以望其藩墻

而近代諸儒有志乎孔孟周程之學者亦豈能以造其

畧孝經刊誤小學書通鑑綱目本朝名臣言行録古今 辨證韓文考異所編次有語孟集義孟子指要中庸集 所著書有易本義啟家著卦考誤詩集傳大學中庸章 與為位而聚哭馬禁錮雖嚴有所不避也嗚呼天又胡 先生著述雖多於語孟中庸大學尤所加意若大學論 家祭禮近思録河南程氏遺書伊洛淵源録皆行於世 **句或問論語孟子集註太極圖通書西銘解楚詞集註** 不整遺以永斯道之傳而處使後學失所依歸哉先生

欠こりにという 堂即幸齊所屬以從學者也其卒也以淳熙丙申其葵 補為恨又當編次禮書用工尤苦竟亦未能脱豪所輯 爱君憂國雖老不忘通鑑網目僅能成編每以未及脩 其明道垂教拳拳深切如此楚詞集註亦晚年所作其 **録版未備也娶劉氏追封碩人白水草堂先生之女草** 家禮世多用之然其後亦多損益未服更定平生為文 則季子在康次之矣生徒問答則後學李道傳當衰輯 語則更定數四以至無沒大學誠意一章乃其絕筆也 勉癬集 呈

范元裕仲季二人亦早卒孫男七人鉅銓鑑鐸銓鼓鑄 臨桂縣今劉學古奉議郎主管亳州明道宮黃縣進士 舉两浙西路常平茶鹽公事女五人婚儒林郎静江府 備差遣餘業進士女九人婿承議郎主管華州雲臺觀 州司法参軍鑑廸功郎新辟差充廣西經略安撫司準 清縣戶部新市犒賞酒庫後十年亦卒季在承議即提 以祔穴子三人長塾先十年卒次埜連功郎監湖州德 鉅從政郎新差監行在雜買務雜賣場門銓從事郎

金好四月全書

卷三十六

歌定四車全書 题 統待人而後傳自周以來任傳道之責得統之正者不 之識見淺陋言語早弱又不足模做萬一追思平日步 筆在以蘇從學日久俱任其責先生既不假是而著於 過數人而能使斯道章章較著者一二人而止耳由孔 超警放則悲愴哽咽不忍書亦不忍忘也竊聞道之正 潜濟濟澄女七人先生殁有年矣狀其行者未有所屬 趙師夏進士葉韜南周異事鄭宗亮黃輅從政郎紹與 府會稽縣丞趙師若黄慶臣李公玉曾孫男六人淵洽 勉齊集

議敬述世系爵里出處言論與夫學問道德行業人之 甚先生出而自周以來聖賢相傳之道一旦豁然如大 |穿鑿而微言幾絕矣周程張子崛起於斯文湮塞之餘 之間孔孟之徒所以推明是道者既以煨燼殘闕離析 所共知者而又私霜以道統之著者終之以俟知德者 明中天昭晰呈露則撫其言行又可晷與朝採同志之 人心靈壞之後扶持植立殿功偉然未及百年踏駁尤 子而後周程張子繼其絕至先生而始著盖千有餘年 次王四年七十 考馬謹狀 嘉定十四年正月日門人奉議即主管亳州明道宫 該之文定為草豪以**說同志反覆**語難一言之善 可太繁者夫工於為文者固能使之隱而顯簡而 以無辨也有謂言貴合蓄不可太露文貴簡古不 不敢不從然亦有參之鄙意而不敢盡從者不可 後世傳之者就也追思平日之間見參以叙述意 黄蘇狀行狀之作非得已也懼先生之道不明而 勉癬集

書者先生之用舍去就實關世道之隆替後學之 謂告上之語失之太直記人之過失之太計者責 楷式年月必記所以著世變辭受必書所以明世 難陳善事君之大義人主能容於前而臣子反欲 教狀先生之行又豈可以常人比常體論哉又有 晦昧名曰簡古而未免於艱溢反不若詳書其事 之為明白也又有謂年月不必盡記解受不必盡 明是非愚陋所能及也顧恐名曰含蓄而未免於 たいしのion Aldin 繁申請之事細微必録似非行狀之體者古人得 之素則言與行豈有異耶事雖微細處得其道則 得用於世其所可見者特其言論之間乃其規模 君行道有事實可紀則奏疏可以不述先生進不 所共知而欲没之可乎又有謂奏疏之文紀述太 乎人之有過或具之獄案或見之章奏天下後世 隱於後先生敢陳於當世而學者反欲諱於將來 人受其利一失其道則人受其害先生理明義精 勉強集

金分四屋人丁 學不必力排稱述之辭似失之過者孔門諸賢至 故雖細故區處條畫無不當於人心者則鉅與細 我知也夫又曰知德者鮮矣甚矣聖賢之難知也 墨而比之禽獸衛道豈可以不嚴乎夫子當曰莫 謂孔子賢於堯舜豈以抑堯舜為嫌乎孟子關楊 辨也至於流俗之論則又以為前輩不必深抑異 亦豈有異耶其可辨者如此則其尤淺陋者不必 知不知不足為先生損益然使聖賢之道不明異

欠こり見いいう 然後知思言之為可信養書 當太息而為之言曰是未易以口舌争百年論定 說滋熾是則愚之 勉虧禁

		 			 	1
勉齊集卷三十六						金分四月分書
三十六			,			
						卷三十六
	- 			·.		
	7					
				÷		